

**Tužilaštvo - Tužiteljstvo Bosne i Hercegovine**
Тужилаштво Босне и Херцеговине**A-300/22**
Sarajevo, 30.09.2022.

Na osnovu člana 70. Zakona o javnim nabavkama BiH („Službeni glasnik BiH“ broj: 39/14) i člana 34. Pravilnika o javnim nabavkama Tužilaštva - Tužiteljstva BiH broj: A-97/17 od 25.05.2017. godine, v.d. glavnog tužioca Tužilaštva – Tužiteljstva BiH donosi

ODLUKU
o izboru najpovoljnijeg ponuđača**Član 1.**
(Predmet odluke)

Ugovor o nabavci goriva za potrebe Tužilaštva – Tužiteljstva BiH, dodjeljuje se ponuđaču Energopetrol d.d. Sarajevo.

Član 2.
(Kriterij za dodjelu ugovora)

1. Ponuda ponuđača iz člana 1. zadovoljava sve uslove utvrđene u predmetnoj tenderskoj dokumentaciji za dostavu ponuda.
2. Ponuđaču iz člana 1. ove Odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

Član 3.
(Stupanje na snagu)

Ova Odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka broj: A-300/22 od 22.08.2022. godine. Javna nabavka je provedena putem otvorenog postupka. Procijenjena vrijednost nabavke je 85.470,09 KM bez PDV-a. Obavještenje o nabavci objavljeno je na web portalu: <https://ejn.gov.ba/>, broj obavještenja: 435-1-1-202-3-17/22 od 24.08.2022. godine i u Službenom glasniku BiH broj: 58 od 26.08.2022. godine. Do krajnjeg roka za dostavu ponuda, na protokol Tužilaštva – Tužiteljstva BiH zaprimljene su dvije uredno zapečaćene i neotvorene ponude: ponuđača Energopetrol d.d. Sarajevo i ponuđača Hifa-Petrol d.o.o. Sarajevo.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2022. godinu, broj: A-561/21 od 23.11.2021. godine, A-561/21-1 od 17.01.2022. godine i A-561/21-2 od 11.07.2022. godine, članovi Komisije (u daljem tekstu: Komisija) izvršili su pregled i ocjenu ponude i utvrdili su sljedeće:

Komisija je konstatovala da su vrijednosti dostavljenih ponuda znatno veće od vrijednosti planirane Planom nabavki za 2022. godinu, te uputila upit Odjelu za materijalno-finansijske poslove da li u budžetu ima dovoljno raspoloživih sredstava da se nabavka izvrši po ponuđenim cijenama. Nakon dostavljenog odgovora da će se uvažavajući činjenicu da je evidentan rast cijena na tržištu ali i potrebu da se obezbijede dovoljne količine goriva koje su neophodne za redovno poslovanje Tužilaštva BiH, u skladu sa zakonskim propisima izvršiti restrukturiranje planiranih rashoda iz sredstava kojima Tužilaštvo BiH raspolaže u budžetu i obezbijediti dodatna sredstva za navedenu nabavku, Komisija je nastavila postupak i izvršila pregled dostavljenih ponuda.

Ponude ponuđača Energopetrol d.d. Sarajevo i ponuđača Hifa-Petrol d.o.o. Sarajevo zadovoljavaju uslove tenderske dokumentacije i tehničke specifikacije, te se dostavljene ponude smatraju prihvatljivim. Ponuđena cijena ponuđača Energopetrol d.d. Sarajevo iznosi 92.400,00 KM bez PDV-a, ponuđena cijena ponuđača Hifa-Petrol d.o.o. Sarajevo iznosi 93.445,72 KM bez PDV-a.

Ugovorni organ je tenderskom dokumentacijom predvidio provođenje e-aukcije, koja je i provedena dana 29.09.2022. godine, nakon koje je utvrđeno da niti jedan od dva ponuđača nije ponudio nižu cijenu od inicijalno dostavljene, te da je najjeftinija ponuda ponuđača Energopetrol d.d. Sarajevo.

Shodno navedenom, članovi Komisije su uputili preporuku v.d. glavnog tužioca Tužilaštva – Tužiteljstva Bosne i Hercegovine za donošenje odluke o dodjeli ugovora ponuđaču Energopetrol d.d. Sarajevo.

Uzimajući u obzir navedeno, odlučeno je kao u dispozitivu odluke.

Pouka o pravnom lijeku:

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od deset dana od dana prijema ove odluke.

V.D. GLAVNOG TUŽIOCA
TUŽILAŠTVA – TUŽITELJSTVA BIH



Milanko Kajganić

Dostavljeno:

- Ponuđačima;
- Odjelu za mat.-fin. poslove.